

OKVIRNI SPORAZUM

o kupoprodaji goriva zaključen u Sarajevu dana 12.06.2017 .godine između ugovornih strana

KJKP «PARK» d.o.o. SARAJEVO, ul. Patriotske lige 58, kojeg zastupa
direktor mr.ecc Alen Ramić(u daljem tekstu Kupac)

IB 4200258320003

I PDV 200258320003

PB 01071316

T.R. 161 000 000 8150048 „Raiffeisen bank“d.d. Sarajevo

«HIFA-PETROL»društvo za promet naftom i naftnim derivatima d.o.o. Sarajevo,
Hotonj bb 71320 Vogošća kojeg zastupa direktor
Hajrudin Ahmetlić (u daljem tekstu Prodavac)

IB 4200999090005

I PDV 200999090005

PB 02053669

T.R. 1610000055460052 „Raiffeisen bank“d.d. Sarajevo

I **PREDMET UGOVORA**

Član 1.

Predmet ovog Okvirnog sporazuma je kupoprodaja **nafte i naftnih derivata-goriva**. Ovim Okvirnim sporazumom Prodavac se obavezuje da isporuči i fakturiše naručenu količinu goriva, a Kupac da preuzme i plati navedeno gorivo po uslovima iz ovog Okvirnog sporazuma.

Član 2.

Ovaj Okvirni sporazum je sačinjen na osnovu javnog poziva-otvoreni postupak na osnovu Obavještenja o nabavci koje je objavljeno na Portalu javnih nabavki br. 410-1-1-117-3-8/17 od 14.04.2017.godine. te ponude Prodavca broj JN-207 od 05.05.2017. i Priloga broj 1 i Prilogu broj 2., koji čine sastavni dio ovog sporazuma.

II **KOLIČINE, KVALITET I ROKOVI**

Član 3.

Prodavac se obavezuje da Kupcu po uslovima iz ovog Okvirnog sporazuma, isporuči gorivo:

1. Nafta-Dizel gorivo BAS EN-590 Euro 5 bez sumpora

na paritetu fco pumpna stanica Prodavca

2. Lož ulje EL

na paritetu fco istočeno u cisternu sjedište Kupca u Nedžarićima,

a gorivo:

3. Bezolovni motorni benzin BMB-95

na paritetu fco pumpna stanica Prodavca.

Ukupna ugovorena cijena za Robu iz člana 1. ovog sporazuma i Priloga broj 1 utvrđuje se u orijentacionom iznosu od **158.700,00 KM** sa PDV-om (slovima: stotinpedesetosamhiljadasedamstotina KM).

Član 4.

Prodavac se obavezuje isporučiti Robu iz člana 3. ovog ugovora u obimu preciziranom pojedinačnom narudžbom Kupca u roku od 1 (jednog) dana po prijemu narudžbenice od strane Kupca.

Član 5.

Kvalitet isporučenih tečnih goriva iz člana 3. ovog sporazuma mora odgovarati navedenim standardima, a prema važećoj Odluci o kvalitetu tečnih naftnih goriva objavljenoj u „Službenom glasniku BiH“ broj 27/2002, što Prodavac dokazuje uvjerenjem (certifikat) o usklađenosti kvaliteta.

Član 6.

Vrijednost iz člana 2. ovog sporazuma ne može biti veća od navedenog ukupnog orijentacionog iznosa i utvrdit će se putem pojedinačnih narudžbi Kupca u kojima će biti precizirane stvarne količine i dinamika isporuke.

Smanjenje orijentacionih količina ne može uticati na ugovorene jedinične cijene.

III CIJENE , FAKTURISANJE I PLAĆANJE

Član 7.

U cijene goriva ukalkulisana je uvozna cijena FCA granica BiH, državne dažbine (carina, poseban porez, naknada za puteve, porez po važećim propisima na dan ponude, te zavisni troškovi od granice i marža Prodavca).

Član 8.

Ugovorne strane prihvataju promjene cijene goriva u zavisnosti od promjene cijene na tržištu naftnih derivata i kursa KM/USD , kao i drugih uslova nabavke.

Cijena iz člana 3. Ugovora Nafta-Dizel gorivo BAS EN-590 Euro 5 **1,655 KM/lit** , BMB-95 **1,655 KM/lit**, Lož ulje EL **1,13 KM/lit** (cijene su izražene sa PDV-om) povećava se ili smanjuje u zavisnosti od promjena cijene na tržištu BiH, a obračun izmjene ugovorenih cijena vršit će se prema Prilogu broj 2 ovog Okvirnog sporazuma.

Član 9.

Prodavac se obavezuje da će Kupcu dostavljati obavijesti o promjenama cijena nafte i naftnih derivata na svjetskom tržištu uz odobrenje nadležnih institucija o promjeni cijena a prema Prilogu broj 2 za sve robe iz člana 3. ovog Okvirnog sporazuma uz fakturu za isporučenu robu, sa napomenom da će nova cijena važiti od datuma obavijesti o izmjenama.

Član 10.

Prodavac će Kupcu fakturisati po ugovorenoj cijeni svaku pojedinačnu isporuku goriva u konvertibilnim markama na osnovu dokumentacije o prijemu robe, a dužničko-vjerovnički odnos nastaje od datuma prijema robe od strane Kupca.

Kupac će obaveze po fakturi Prodavca izmiriti u roku do **60 dana** od dana obračuna, fakturisanja i dostavljanja fakture Kupcu.

Član 11.

Kupac će svoje dospjele obaveze Prodavcu izmiriti prenosom novčanih sredstava na transakcijski račun Prodavca. Dospjela obaveza Kupca smatra se izmirenom sa datumom uplata sredstava na račun Prodavca.

IV KVANTITATIVNI I KVALITATIVNI PRIJEM

Član 12.

Goriva su u skladištu Kupca kvantitativno i kvalitativno primljena kada ovlaštena osoba Kupca pismeno potvrdi prijem na otpremnom dokumentu Prodavca. Za prijem i obračun količine isporučenog goriva mjerodavna je zapreminska količina u litrima svedena na + 15 C , izmjerena na mjestu isporuke. Svaku isporuku treba da prati certifikat o kvalitetu isporučenog goriva.

Ukoliko se kod prijema goriva utvrdi razlika količine izmjerene kod Kupca i količine navedene u otpremnom dokumentu Prodavca , sastavlja se zapisnik o eventualnom manjku ili višku, koji ovjerava Kupac i Prodavac.

Član 13.

S obzirom da Prodavac garantuje ugovoreni kvalitet isporučenog goriva certifikatima o kvalitetu eventualnu dodatnu kontrolu kvaliteta Kupac može obaviti za svoj račun i o svom trošku, s tim da uzorke za kontrolu uzima po propisu, direktno iz cisterne u kojoj je gorivo dovezeno, a ne iz kupčevog rezervoara i to u prisustvu Prodavca. U tom slučaju uzimaju se tri uzorka na standardima propisan način i to jedan za Kupca, jedan za Prodavca i jedan za eventualnu super kontrolu. Eventualna super kontrola obavlja se kod obostrano saglasno odabrane kontrolne kuće, a troškove te kontrole snosi ona ugovorna strana koja nije u pravu u odnosu na ugovoreni kvalitet.

Član 14.

U slučaju da kvalitet ne odgovara ugovorenom kvalitetu, Kupac zadržava pravo da Prodavcu nekvalitetno gorivo stavi na raspolaganje i da mu Prodavac nadoknadi eventualnu štetu po tom osnovu koja se utvrđuje arbitražom od strane ovlaštenog predstavnika Kupca. Prodavca i neutralnog člana arbitraže (verifikovana kontrolna kuća).

Član 15.

U slučaju nastanka dejstva više sile kao što su : požari, poplave , zemljotresi, ekstremne padavine, vjetrovi, niske ili visoke temperature i druge elementarne nepogode, te ratne i vojne operacije, građanski nemiri, štrajkovi ,izmjene zakonskih i drugih propisa i druga dejstva koja imaju karakter više sile na koje ugovorne strane ne mogu uticati, a zbog čijeg dejstva ugovorne strane potpuno ili djelimično ne mogu izvršiti svoje ugovorne obaveze, vrijeme predviđeno za izvršenje obaveza se produžava za vrijeme trajanja dejstva više sile, ali najviše do 40 dana. Nakon toga ugovorne strane mogu raskinuti sporazum bez prava naknade nastale eventualne štete. Ugovorna strana kod koje je nastalo dejstvo više sile, dužna je drugu ugovornu stranu pismeno obavijestiti o tome u roku od 3 dana od dana nastanka takvog dejstva.

Član 16.

Ako Prodavac ne isporuči Robu Kupcu u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

Član 17.

Ovaj Okvirni sporazum stupa na snagu danom potpisa i ovjere ugovorenih strana, a zaključen je na rok od 3 godine ili do isteka vrijednosti okvirnog sporazuma i može se raskinuti bez obrazloženja sa otkaznim rokom od 30 (trideset) dana, te zbog dejstva više sile ili neispunjavanja odredbi ovog Okvirnog sporazuma jedne od ugovornih strana. Eventualni raskid Okvirnog sporazuma ugovorna strana je dužna pismeno najaviti 30 dana prije datuma raskida.

Član 18.

Za sve poslovne odnose koji su predmet ovog Okvirnog sporazuma, a nisu regulisani odredbama ovog sporazuma, primjenjivat će se odredbe Zakona o obligacionim odnosima i odredbe Uzansi za promet robe, a eventualne izmjene i dopune ovog Ugovora vrše se putem aneksa u pismenoj formi.

Član 19.

U slučaju spora po ovom Okvirnom sporazumu, ugovorne strane će spor pokušati riješiti sporazumno, a ako to nije moguće, mjerodavan je nadležni sud u Sarajevu.


Član 20.

Sastavni dio ovog Okvirnog sporazuma čine:

1. Ponuda br. JN-207 od 05.05.2017. godine
2. Prilozi br.1 i 2

Član 21.


Ovaj Okvirni sporazum je sačinjen u 6 (šest) primjeraka od kojih 2 (dva) pripadaju Prodavcu a 4 (četiri) Kupcu.

Za Prodavca:
DIREKTOR


Hajrudin Ahmetlić


Broj: 1204/17.
Sarajevo, 15.06.2017.



Za Kupca:
DIREKTOR


mr.ecc Alen Ramić

Broj: JN-207-A
Sarajevo, 12.06.2017.g.



PRILOG 1.


ISPORUKA NAFTNIH DERIVATA-GORIVA

1	2	3	4	5	6	7
Redni broj	Vrsta robe	Jedinica mjere	Količina	J.cijena bez PDV-a (KM)	J.cijena sa PDV-om (KM)	Uk. cijena sa PDV-om(KM) (4 X 6)
1.	Nafta-Dizel gorivo BAS EN-590 Euro 5	litar	70000	1,415	1,655	115.850,00
2.	Benzin (95)	litar	10000	1,415	1,655	16.550,00
3.	Lož ulje	litar	10000	0,966	1,130	11.300,00
4.	Nespecificirana roba					15.000,00
UKUPNO KM						158.700,00

Za Prodavca:



Za Kupca:



PRILOG BROJ 2

Način obračuna eventualne izmjene ugovorenih cijena za isporuku naftnih derivata i goriva utvrđuje se prema sljedećem obrascu :

$$C_1 = \frac{C_2}{C_3} \times C_0$$

gdje je

C_0 = ponuđena cijena

C_1 = novoformirana cijena za vrijeme isporuke

C_2 = cijena derivata iz obrasca OPC Ministarstva trgovine F BiH na dan isporuke

C_3 = cijena derivata iz obrasca OPC Ministarstva trgovine F BiH na dan objave tendera u Službenom glasniku 14.04.2017.g:

1. Dizel gorivo BAS EN-590 Euro 5 po lit.....KM 1,655
2. MB-98 po lit.....KM 1,655
3. LOŽ ULJE po lit.....KM 1,130

Za Prodavca :



Za Kupca :

